

第〇四四册

曆象彙編

庶徵典

旱災部

火災部

光異部

寒暑異部

(卷)

卷一

卷二

卷三

卷四

古今圖書集成

中華書局影印

欽定古今圖書集成曆象彙編庶徵典

第九十二卷目錄

旱災部彙考八

明二 孝宗弘治十五年 武宗正德十五年
世宗嘉靖三十八年 穆宗隆慶三年
神宗萬曆三十七年 熹宗天啓六年 崇禎十一年

庶徵典第九十二卷

旱災部彙考八

明二

孝宗弘治元年早

按陝西通志弘治元年略陽夏大旱至冬人相食

按浙江通志弘治元年金華大旱

按湖廣通志弘治元年武昌漢陽辰州常德黃陂德安早荊州慈利華容安鄉大旱人相食

弘治二年早

按湖廣通志弘治二年夏沔陽大旱

按四川總志弘治二年綿竹大旱

弘治四年早

按浙江通志弘治四年武義大旱

按湖廣通志弘治四年五月祁陽旱

弘治五年早

按明外史李東陽傳弘治五年早災求言東陽條摘孟子七篇大義附以時政得失累數千言上之帝稱善

按山東通志弘治五年春正月東昌府等處旱大饑弘治六年早

按大政紀弘治六年三月亢旱求直言

按明外史張悅傳弘治六年夏大旱求言陳遵舊章

郵小民崇儉素裁冗食禁濫罰數事又上修德圖治

二疏並嘉納

弘治七年早

按浙江通志弘治七年會稽餘姚十月不雨至次年三月

弘治八年早

按大政紀弘治八年七月西北諸省大旱

按山西通志弘治八年春潞州寧鄉大旱

按潞安府志弘治八年春夏大旱知州馬敬齋禱清

獄斷刑茹素庖人以乾膳進揮去之曰欺人能自欺

乎乃出就外是夕雨

弘治十年早

按山西通志弘治十年臨晉旱

弘治十一年早

按浙江通志弘治十一年台州衢州大旱

按江西通志弘治十一年袁州臨江旱

按廣東通志弘治十一年興寧大旱

按廣西通志弘治十一年夏六月至八月無雨大旱饑

弘治十二年早

按福建通志弘治十二年夏秋冬三時不雨井滕溪

塘皆涸是歲詔悉蠲田租

弘治十三年早

按浙江通志弘治十三年餘姚三月不雨至五月按雲南通志弘治十三年蒙自縣旱明年復大旱

弘治十四年早

按福建通志弘治十四年大旱無禾

弘治十五年早

按廣東通志弘治十五年早

弘治十六年早

按大政紀弘治十六年五月京師大旱兵部尚書劉大夏引言兵政弊端未能悉革求退上不允令開具

弊端大夏陳十事一曰京軍苦於出錢供應二曰營

軍困於私役倣工三曰江南軍以漕運被索四曰江

北軍因京操失業五曰漕運本難而濫食者妄費不

稽六曰養馬固苦而私用者法禁不顧七曰鎮守太

監貪婪特甚八曰守備內臣占軍數多九曰陞賞多

涉勢要十曰禁衛苟且公行上覽奏嘉納命所司一

行之

按浙江通志弘治十六年杭州大旱斗米銀三錢

弘治十七年早

按明外史李東陽傳弘治十七年重建闕里廟成奉

命往祭還上疏言臣奉使適行適遇亢旱天津一路

夏麥已枯秋禾未種輓舟者無完衣荷鋤者有菜色

盜賊縱橫青州尤甚南來人言淮揚諸府流亡載道

掘齒而食江南浙東方數千里戶口消耗軍伍空虛

庫無旬日之儲官缺累歲之俸東南財賦所出一歲

之饑已至於此北地皆窳素無積聚今秋再歉何以

堪之事變之生恐不可測言及于斯可爲痛哭

按山東通志弘治十七年武定州自正月不雨至於

秋九月

按山西通志弘治十七年春榆次太谷蒲州不雨自春至秋不雨田禾枯死秋田不種赤地遍境米價騰湧民食不足有剝樹皮以充饑者寧鄉亦饑

武宗正德元年旱

按浙江通志正德元年夏餘姚上虞大旱

按江西通志正德元年夏瑞州旱

按湖廣通志正德元年黃州大旱

正德二年旱

按陝西通志正德二年大旱民皆流移

按湖廣通志正德二年夏衡陽旱

正德三年旱

按浙江通志正德三年湖州紹興處州金華台州大旱

旱

按湖廣通志正德三年漢陽德安武昌襄陽黃州大旱

旱

正德四年旱

按江西通志正德四年袁州臨江旱民饑

按湖廣通志正德四年五月武昌大旱衡州巴陵臨湘早武昌漢陽黃州荊州旱與國旱寶慶大旱

正德五年旱

按大政紀正德五年六月京師早霖大學士李東陽疏弭災四事不報東陽因早霖上疏曰近時威令大行中外悚懼但霜雪之後必有陽春雷電之後必有甘雨此天道所當法也臣謹條上一曰寬逃軍拐馬之罪二曰寬貪書職員之罪三曰寬查盤糧草之罪四曰禁官校羅織之罪疏上不報

按畿輔通志正德五年夏五月衡水大旱

按四川總志正德五年威州旱

正德六年旱

按湖廣通志正德六年與國大旱

正德七年旱

按山西通志正德七年長子大旱

正德八年旱

按江西通志正德八年南昌府大旱

按福建通志正德八年旱

正德九年旱

按湖廣通志正德九年襄陽旱

正德十年旱

按大政紀正德十年五月風霾大旱

正德十一年旱

按大政紀正德十一年五月大旱

按山東通志正德十一年秋七月德平不雨

按湖廣通志正德十一年靖州大旱

正德十二年旱

按廣西通志正德十二年鬱林興業大旱

正德十三年旱

按湖廣通志正德十三年秋辰州大旱

正德十五年旱

按浙江通志正德十五年餘杭旱饑

正德十六年旱

按浙江通志正德十六年杭州八月不雨至十二月

世宗嘉靖元年旱

按續文獻通考嘉靖元年久旱即位日大雨霑足頃

復開霽觀者皆慶為中興之兆

嘉靖二年旱

按大政紀嘉靖二年五月大旱自去冬不雪入春風霾連日迨夏益甚四方災變奏報尤頻帝憂之敕大小羣臣同心匡輔母事虛文時京師復有雷震城竿之異御史秦武上言陛下踐祚之初盡釐先朝變亂之章復祖宗畫一之法矣近日以來漸肆更張或以養子而嗣闡豎之封或以內臣而奪司寇之職吏部之銓除阻撓既多法司之律令更易殆盡救自中出而政府不得贊其辭法以私行而六曹不得據其志待臣之禮久衰納諫之心愈怠經筵則屢日告罷祠禱則不時修舉修身齊家之德罔聞狎刑驅寵之行已著上違祖訓下拂人情多矣此天之所以屢示災變也帝怒其狂率切責之南京給事中彭汝實亦上言應天以實不以文感人以誠不以述三王以還莫之能違也邇者黃風黑霧春旱冬雷天變於上者屢矣地震泉竭揚沙雨土地變於下者屢矣羣小漸張盜賊公行草妖木異非時失節人物之變亦屢矣昔人有言怒乎之天猶可為也忘乎之天不可為也皇上省災之誠或足以仰答天心矣而行政之可適用人之可間有不能無燕閒虛費于女寵腹心委託于貂璫二廖諸張乃得緩死李隆蘇綰猶得無恙鎮撫以報復而奢辱主事羅洪載內豎攬私璽而執解巡檢程景貴崔文狐媚蓋羣枉之赤幘將輪狼貪為戚里之谿壑凡若此者皆不銳意修革而望天意之回人心之感亦已難矣亦不報初太監李譽者往來淮揚間舟攜私鹽鬻賣巡檢程景貴率邏卒搜得之墨

怒誣訴于東廠太監芮景賢奏差官校逮繫景貴赴京而蔣輪者與國太后之弟也欲以其子榮奉安陸廟祀故汝實奏及之九月南畿大饑是歲北畿山東河南湖廣江西俱早有災而應天蘇松淮揚徽池等一十四郡及徐滁等州為甚千里盡赤殍殣載道姦盜因之蠭起

按宋陵編年史嘉靖二年九月南畿十四郡及北畿山東河南湖廣江西俱旱災赤地千里殍殣遍道盜起戶部係交請西蘇松折兌銀糧白米兩浙鹽價許聖關鈔課應天缺官薪皂贖錢兼賑之又請發太倉銀二十萬折漕米九十萬往賑從之

按湖廣通志嘉靖二年湖廣大旱殍流無算

按廣西通志嘉靖二年癸未夏旱命祈禱雷雨而雹

按雲南通志嘉靖二年秋騰衝旱

嘉靖三年旱

按浙江通志嘉靖三年會稽上虞嵊縣大旱

按雲南通志嘉靖三年元江元謀大旱

嘉靖五年旱

按浙江通志嘉靖五年衢州溫州台州諸暨新昌縉雲松陽大旱

按江西通志嘉靖五年正月九江府赤氣見是年十三府大旱

按福建通志嘉靖五年夏大旱知府汪文盛奏蠲租賦未春五月不雨七月十七日忽有物如西瓜從天而下流轉於地有聲如雷不甚烈民駭不識須臾火發聲震衆皆昏眩仆地有震死者既而雨下如注

嘉靖六年旱

按浙江通志嘉靖六年處州大旱
嘉靖七年旱

按大政紀嘉靖七年五月北畿山東河南山西陝西大旱帝以災異頻仍敕羣臣同加修省直言得失又諭輔臣曰卿等亦各盡言仰體朕懷俯省己過於是言者頗衆不見采納大學士楊一清上言諸臣條奏固多節財省費與民休息之意亦有拾陳言者祇充故事立奇論者有礙措置間有郵民數事又且報罷是皇上應天以實而羣臣之應詔以文也臣竊謂今日之務在省事不在多事在守法不在變法在安靜不在紛更在寬厚不在煩苛昔人有告其君曰為國有不足懼者五深可畏者六三辰失行天象屢變小人訛言山川崩竭水旱蝗蟲不足懼也賢士蔽匿四民遷業上下相循廉恥道消毀譽失真直言不聞深可畏也以爲不足懼者非真不足懼矣知其可懼而修德弭之則轉禍爲福深可畏者則以其變無形而禍甚烈勢若緩而伏最深今日之弊實恐墮此臣舉其急且要者曰舉賢才以充任使曰收人心以固邦本日求直言以防壅蔽而已釋幽拔滯而登之要途任賢位能勿拘常格則賢才可致錫夏稅踏秋傷停徵常賦省額外之征則民難紆弘量霽威取善而包荒未善則直言日聞天休滋至庶幾在此帝嘉納之降旨曰覽奏具見忠愛舉賢才固邦本二者誠爲急務吏戶二部即查照議處以聞科道官以言爲職今後一切利弊務據實直言不得浮謬朕當采納施行按陝西通志嘉靖七年五月陝西大旱人相食餓死無數

按湖廣通志嘉靖七年沔陽漢陽保康大旱襄陽大旱饑人相食御史張絳繪饑民十圖以獻請內帑數萬緡賑濟

按四川總志嘉靖七年夏秋全蜀大旱

嘉靖八年旱

按大政紀嘉靖八年二月不雨帝零禱不應因製自咎說示羣臣使咸加警惕

按浙江通志嘉靖八年處州旱

嘉靖十一年旱

按山西通志嘉靖十一年平陽州縣大旱民多流亡

按陝西通志嘉靖十一年慶陽大旱天黃三日

按湖廣通志嘉靖十一年荊州旱自正月不雨至于五月

嘉靖十二年旱

按續文獻通考嘉靖十二年春二月不雨上祈禱不應因製自咎說示羣臣使知儆惕

按盛京通志嘉靖十二年河西大旱

按山西通志嘉靖十二年吉州翼城猗氏旱

嘉靖十三年旱

按湖廣通志嘉靖十三年武昌大旱

嘉靖十四年旱

按江南通志嘉靖十四年睢河竭

按江西通志嘉靖十四年臨江府大旱次年又旱

按湖廣通志嘉靖十四年斬水大旱

嘉靖十五年旱

按福建通志嘉靖十五年旱

按廣東通志嘉靖十五年廣州肇慶南雄韶州大旱

嘉靖十六年早

按福建通志嘉靖十六年旱饑

嘉靖十七年早

按大政紀嘉靖十七年夏四月南北畿山東陝西福建湖廣大旱戶部上言各處饑民流聚京師宜令大興宛平二縣分地查覈錄名呈部人給太倉羨米三十責令還籍給事中曾燧等上言諸路俱有旱災而順天永平爲甚饑民聞有大役匍匐就工乃今餓死城隅日數千人通會河側屍骸枕藉乞急發內帑救卹及行各處多方賑貸從之

按湖廣通志嘉靖十七年漢陽大旱

嘉靖十八年早

按浙江通志嘉靖十八年杭州二月不雨至六月井泉皆竭

按湖廣通志嘉靖十八年七月襄陽穀城大旱

嘉靖十九年早

按明外史楊爵傳爵擢御史歲頻旱帝日夕建齋醮修雷壇屢興工作經年不視朝而太僕卿楊最復諫死嘉靖二十年元日徵雪大學士夏言尚書嚴嵩侍

郎溫仁和張邦奇孫承恩張潮詹事陸深等作頌稱賀爵撫膺太息中宵不能寐踰月乃上疏極諫曰今天下大勢如人衰病已極內而腹心外而百骸莫不受患即欲拯之無措手地方且奔競成俗賕賂公行遇災變而不憂非祥瑞而稱賀諛諂面諛流爲欺罔士風人心於此頹壞而國之所恃以爲國者掃地盡矣以危爲安以蓄爲利諍臣拂士日益遠而快情恣意之事無敢齟齬於其間此天下大憂也去年自夏

入秋恆暘不雨畿輔千里已無秋禾旣而一冬無雪元日微雪即止民失所望憂旱之心遠近相同此正撤樂減膳憂懼不寧之時而輔臣言等方以爲符瑞而稱頌之欺天罔人不已甚乎

按湖廣通志嘉靖十九年德安冬不雨至於明年四月

按貴州通志嘉靖十九年石阡旱

嘉靖二十年早

按續文獻通考嘉靖二十年畿內旱蝗議發帑金賑之

按貴州通志嘉靖二十年石阡旱

嘉靖二十一年早

按浙江通志嘉靖二十一年處州旱

嘉靖二十二年早

按湖廣通志嘉靖二十二年柳夏旱

按廣東通志嘉靖二十二年秋興寧大旱八月不雨至於明年五月

嘉靖二十三年早

按浙江通志嘉靖二十三年嘉興紹興衢州大旱

饑死載路

嘉靖二十六年早

按湖廣通志嘉靖二十六年辰州大旱

嘉靖二十九年早

按浙江通志嘉靖二十九年處州大旱

嘉靖三十年早

按湖廣通志嘉靖三十年辰州旱

嘉靖三十一年早

按江西通志嘉靖三十一年南昌旱民饑

嘉靖三十二年早

按陝西通志嘉靖三十二年大旱民移棧城

嘉靖三十三年早

按湖廣通志嘉靖三十三年平江黃陂斷水大旱

嘉靖三十五年早

按雲南通志嘉靖三十五年順寧正月至五月不雨

景東二月至六月不雨

嘉靖三十六年早

按山西通志嘉靖三十六年平遙大旱

嘉靖三十七年早

按大政紀嘉靖三十七年五月大雪乃雨時久旱未欲立槁帝命齋祀高元忽雷電交至對雨霑足羣臣表賀

按山西通志嘉靖三十七年平陸旱自夏至秋不雨

次年夏又不雨

嘉靖三十八年早

按雲南通志嘉靖三十八年雲南縣大旱減其租稅

按山東通志嘉靖三十九年三月三日晡時有赤氣自西北來晝暝如夜秋大旱民轉徙

按廣東通志嘉靖三十九年秋大旱

嘉靖四十年旱

按大政紀嘉靖四十年二月京師不雨帝禱雷增得雨羣臣表賀

嘉靖四十一年旱

按大政紀嘉靖四十一年夏四月不雨帝諭輔臣祈雨

按山西通志嘉靖四十一年平陸旱春夏無麥流移軟道

按河南通志嘉靖四十一年偃師夏大旱

按湖廣通志嘉靖四十一年江陵旱

嘉靖四十二年旱

按大政紀嘉靖四十二年夏六月不雨帝禱雷壇得之羣臣表賀

按湖廣通志嘉靖四十二年秋孝感大旱

嘉靖四十三年旱

按大政紀嘉靖四十三年三月不雨四月大雩帝以久旱大雩于郊廟社稷及各壇殿久之得雨羣臣表賀十一月早風霾大計京師鄧懋卿制籍時早晚經時風霾示異從言官之請大計兩京羣工四品以上

自効聽去留於是懋卿穢迹著矣猶得倖脫南京御史林潤上言懋卿自茂憲典罔法行私所過郡縣陪尅無遺一運司取十萬兩贖貨無厭爲罪一也商民

王鑒吳章被訟公行苞苴千有餘兩大喪名節爲罪二也惻惻淮揚巡撫劉景韶筵金巨萬始得驩顏往

謁皇陵攜領俳優樂役糜費無極反道悖禮爲罪三也乾轅有司暴虐百姓盡死傷官姚佩廚夫蔡經而平民斃杖下者二十二人殘忍酷毒爲罪四也北直山東饑旱枕藉揚州水災剝削流竄而勢必取盈無名派擾去歲鹽盜聚聚爲亂動搖國本斲喪元氣爲罪五也乞將懋卿速賜罷黜庶民怨消而士論快耳

章下吏部覆奏從之南北商民歡舞於道

按續文獻通考四十二年因旱乃於正月二十七日致齋禱雨先是傳諭徐階等曰今日風沙又作必嚴祈禱今旱固未必如前歲而黃霾土雨災疫或過之擬所舉行勿怠遂有是禱已而又傳諭云恰纔我樹幡竿微雷安木鉅雨零未移時大霰赤黃異於前日祈禱可緩乎朝天宮等處宜分遣官陪告行禮遂以五府六部正官輪至四月七日吏部尚書嚴訥奏云河間等縣聞已得雨初十日大學士徐階成國公朱希忠等率羣臣上表稱賀雲雨應期土喜批答天慈垂鑒大澤應祈朕心感仰

按山西通志嘉靖四十三年末和旱

按雲南通志嘉靖四十三年楚雄旱

嘉靖四十四年旱

按山西通志嘉靖四十四年太平旱

按湖廣通志嘉靖四十四年歸州大旱

嘉靖四十五年旱

按福建通志嘉靖四十五年秋冬大旱晚禾無收

穆宗隆慶元年旱

按雲南通志隆慶元年雲南縣旱

隆慶二年旱

按續文獻通考隆慶二年六月浙江福建四川陝西淮安鳳陽等處大旱

按山西通志隆慶二年臨汾太平岳陽蒲縣朔城大旱

按浙江通志隆慶二年金華五月至八月不雨

按江西通志隆慶二年南昌撫州旱民饑

隆慶六年旱

按陝西通志隆慶六年延安大旱饑人相食

神宗萬曆元年旱

按山東通志萬曆元年大旱七月始雨

按浙江通志萬曆元年處州旱

按湖廣通志萬曆元年咸寧廣濟大旱

萬曆三年旱

按浙江通志萬曆三年衢州處州金華海鹽大旱

按廣西通志萬曆三年懷集縣大旱民饑

萬曆四年旱

按雲南通志萬曆四年廣西府春夏不雨

萬曆五年旱

按雲南通志萬曆五年臨安春夏不雨斗米三錢民多殍

萬曆六年旱

按福建通志萬曆六年候官懷安秋大旱

萬曆七年旱

按山西通志萬曆七年六月岳陽旱

按福建通志萬曆七年正月不雨大旱量田大旱

萬曆九年旱

按浙江通志萬曆九年台州旱蝗

萬曆十年旱

按山西通志萬曆十年聞喜大旱

按陝西通志萬曆十年西安臨慶皆大旱人相食

按湖廣通志萬曆十年德安大旱

萬曆十一年旱

按山西通志萬曆十一年廣陵河竭壺流河竭自辰至未始流

萬曆十二年旱

按廣西通志萬曆十二年秋梧州大旱蠲免蒼梧災

米

萬曆十三年旱

按陝西通志萬曆十三年夏廣靈早詔免租十之七

平陽州縣大旱

萬曆十四年旱

按山西通志萬曆十四年大旱荒死者相枕道官賑濟

按河南通志萬曆十四年衛輝大旱

按陝西通志萬曆十四年陝西大旱

按福建通志萬曆十四年早大無禾

萬曆十五年旱

按福建通志萬曆十五年早大無禾

萬曆十六年旱

按續文獻通考萬曆十六年蘇松等處大旱

按江西通志萬曆十六年九江府旱

按湖廣通志萬曆十六年沔陽漢陽黃州郡縣皆大旱

早

按雲南通志萬曆十六年楚雄旱

萬曆十七年旱

按續文獻通考十七年蘇松又旱

按山西通志萬曆十七年安邑大旱

按江西通志萬曆十七年春撫州建昌袁州臨江瑞州五月不雨大饑

按湖廣通志萬曆十七年黃州郡縣復大旱

按興化縣志萬曆十七年十八年大旱下河茭封之田盡成赤地有黑鼠無數廵趙封中食其根經野燒並為灰土不耕而墾者十得其一

志見舊揚州興化漕堤決

萬曆十八年旱

按浙江通志萬曆十八年台州大旱

按福建通志萬曆十八年正月不雨至秋八月

按雲南通志萬曆十八年澂江旱

萬曆十九年旱

按福建通志萬曆十九年夏大旱

按雲南通志萬曆十九年澂江旱民饑

萬曆二十一年旱

按浙江通志萬曆二十一年樂清旱饑

按貴州通志萬曆二十一年永寧旱

萬曆二十二年旱

按廣西通志萬曆二十二年懷集縣秋旱

萬曆二十三年旱

按山西通志萬曆二十三年臨晉大旱

按廣西通志萬曆二十二年秋旱

萬曆二十四年旱

按續文獻通考萬曆二十四年閏八月浙江巡撫劉

元霖奏杭嘉湖三府自五月以來旱魃為虐禾苗失種秋成無望

按山西通志萬曆二十四年夏臨汾大旱

按廣東通志萬曆二十四年雷州大旱赤地千里

萬曆二十六年旱

按浙江通志萬曆二十六年紹興衢州金華台州大旱

萬曆二十七年旱

按山西通志萬曆二十七年春臨汾襄陵太平汾西沁州大旱

萬曆二十八年旱

按雲南通志萬曆二十八年秋尋甸旱民饑

萬曆二十九年旱

按續文獻通考萬曆二十九年五月初六日禮部奏二月至今畿輔內外半年不雨土豚焦枯河井乾涸二麥盡稿巡撫何爾健奏阜平縣文水洞礦夫張世誠饑將自己六歲小兒殺死煮食請自五月初六日為始仍各青衣角帶於本衙辦事宿歇致齋益加乾惕諸司照例停刑禁屠五日遣官恭詣天地社稷山川風雲雷雨等壇黑龍潭廟祝文祭品行各該衙門撰述備辦仍行順天府官督率所屬于應祀神廟竭誠祈禱奉旨今歲早曠異常雨澤未澍朕在宮中密禱夙夜惶惶依擬著百官再加修省務祈感格祭告南郊遣徐文璧北郊侯陳良弼山川尚書李戴社稷尚書陳渠風雲雷雨等壇侍郎馮琦黑龍潭廟真人張國祥各竭虔行禮仍行順天府官率屬祈禱

按湖廣通志萬曆二十九年京房大旱

按雲南通志萬曆二十九年省城夏秋不雨民大饑
激江自二月至六月不雨

按貴州通志萬曆二十九年夏四月不雨

萬曆三十三年早

按浙江通志萬曆三十三年嘉興大旱台州旱蝗

萬曆三十四年早

按浙江通志萬曆三十四年嘉興大旱

按福建通志萬曆三十四年興化府大旱斗米二百

錢詔免田租十之一

萬曆三十五年早

按山西通志萬曆三十五年夏臨汾夏縣平陸等早

萬曆三十七年早

按山西通志萬曆三十七年夏四月省鼓樓瓦獸吐

烟是月初十日鼓樓瓦獸吐烟占主旱四月至次年

五月不雨省郡及平陽屬汾遼沁大饑發內帑銀五

萬臨清通州倉米四萬遣使賑濟省城二年火凡四

見

按河南通志萬曆三十七年懷慶大旱

按陝西通志萬曆三十七年延安早

按浙江通志萬曆三十七年台州連旱井泉皆竭

按湖廣通志萬曆三十七年沔陽大旱

萬曆三十八年早

按山西通志萬曆三十八年夏省屬平陽屬汾遼沁

旱災俱議賑濟

按雲南通志萬曆三十八年夏省城大旱

萬曆三十九年早

按山西通志萬曆三十九年夏平陽三十四州縣早

獨免秋夏稅

按浙江通志萬曆三十九年台州正月至五月不雨

六月始插苗

萬曆四十一年早

按山西通志萬曆四十一年秋蒲州臨晉猗氏榮河

萬泉安邑平陸蒲縣大旱

按福建通志萬曆四十一年秋大旱

萬曆四十二年早

按湖廣通志萬曆四十二年黃州大旱

按福建通志萬曆四十二年羅源縣大旱

萬曆四十三年早

按山東通志萬曆四十三年大旱饑人相食

按山西通志萬曆四十三年春廣昌旱自春至夏不

雨

按浙江通志萬曆四十三年衢州旱災

按福建通志萬曆四十三年夏旱

按雲南通志萬曆四十三年夏省城大旱

萬曆四十四年早

按山西通志萬曆四十四年夏六月文水蒲州安邑

聞喜稷山猗氏萬泉旱春夏不雨

萬曆四十五年早

按江南通志萬曆四十五年呂梁洪水乾

按湖廣通志萬曆四十五年黃安大旱

萬曆四十六年早

按湖廣通志萬曆四十六年黃安大旱

按廣西通志萬曆四十六年夏六月茶城縣諸溪不

雨而漲仲家廖洞傳有龍鬬日夜不休山水若決率

皆泥淖

按廣西通志萬曆四十六年全省大旱民饑南寧九

甚死者白骨疊丘

熹宗天啓元年早

按雲南通志天啓元年省城自正月不雨至六月米

價騰踊新興十八寨彌勒大旱

天啓二年早

按湖廣通志天啓二年七月鄖陽旱

天啓三年早

按江西通志天啓三年吉安府旱饑

天啓四年早

按山西通志天啓四年靜樂大旱自春至夏不雨

按廣西通志天啓四年甲子陽朔縣旱饑民變

天啓五年早

按山西通志天啓五年夏六月文水不雨

按浙江通志天啓五年紹興大旱

天啓六年早

按陝西通志天啓六年富平早

愍帝崇禎元年早

按畿輔通志崇禎元年保定府大旱

按山西通志崇禎元年秋太平陽州末和蒲州早

按湖廣通志崇禎元年鄖陽旱

按廣西通志崇禎元年懷集秋旱

崇禎二年早

按陝西通志崇禎二年米脂大旱

崇禎五年早

按浙江通志崇禎五年遂昌大旱自七月不雨至天

年二月

崇禎六年旱

按山西通志崇禎六年秋太平蒲縣安邑隰州汾西蒲州大旱

按陝西通志崇禎六年西安旱饑餓羣徧塗米脂大旱斗米千錢人相食

崇禎八年旱

按山西通志崇禎八年稷山垣曲旱

崇禎九年旱

按山西通志崇禎九年夏安邑大旱

按吳縣志崇禎九年夏大旱

按浙江通志崇禎九年金華新昌嵊縣大旱

崇禎十一年旱

按吳縣志崇禎十一年秋旱

崇禎十二年旱

按潞安府志崇禎十二年冬無雪

按湖廣通志崇禎十二年鍾祥旱

崇禎十三年旱

按山東通志崇禎十三年連歲大旱天下大饑人相食盜賊破城邑

崇禎十五年旱

按浙江通志崇禎十三年嘉興紹興旱蝗諸暨夏旱

崇禎十五年旱

按浙江通志崇禎十五年寧波旱

崇禎十六年旱

按浙江通志崇禎十六年寧波旱饑

按雲南通志崇禎十六年夏武定大旱

欽定古今圖書集成曆象彙編庶徵典

第九十三卷目錄

旱災部彙考九

皇清 康熙 十一則

旱災部總論

春秋穀梁傳 定公元年

王充論衡 明零篇

庶徵典第九十三卷

旱災部彙考九

皇清

康熙九年

三月二十二日

上諭吏部等衙門時已入夏雨澤愆期皆由部院大小臣工因循舊習不能精白乃心公廉盡職以致政務失當有干

天和爾等堂上官宜力圖修省靖共職業嚴督所屬司

官凡事應秉公勤勵革除積弊勿瞻徇情面仍稽察胥吏作奸事有應結者速行完結勿得借端多駁圖遂已私其間刑等衙門一切獄訟務期平允得情速審速結勿得株累無辜久淹羈禁爾等大小各官須實心修省勿得視為具文仍前怠玩有負朕委任責成之意著吏部通行申飭特諭

上諭禮部自閏二月以來天氣亢陽雨澤稀少農務方殷殊切朕懷著爾部堂上官同順天府官員

竭誠祈禱其應斷屠宰照例行特諭

康熙十年

四月初七日

上諭禮部今已入夏亢陽不雨農事堪憂朕念切民生躬自刻責特頒嚴旨戒飭各官修省過愆祈求雨澤乃精誠未達霖雨尚稽朕心晝夜焦勞不遑啓處茲朕虔誠齋戒躬詣

天壇祭告懇祈甘霖速降以拯生民爾部作速擇吉其

祭告儀物即行備辦特諭

康熙十二年

三月十一日

上諭禮部民資粒食以生今當播種之時亢陽不雨農事堪憂皆由朕躬涼德政治有所未協未能仰格

天心用是夙夜靡寧實圖修省以感召休和為民請命

爾部即虔誠祈禱雨澤以副朕勤恤民隱至意特諭

康熙十七年

六月十三日

上諭禮部朕惟天感召理有固然人事失於下則天變應於上捷如影響豈曰罔稽今時值盛夏天氣亢陽雨澤維艱炎暑特甚禾苗枯槁農事堪憂朕用是夙夜靡寧力圖修省躬親齋戒虔禱甘霖務期精誠上達感格

天心爾部即察例擇期具儀奏奏特諭

康熙十八年

三月二十六日

上諭禮部時已入夏天氣亢陽農務方興雨澤未降恐麥禾不能及時長養朕心深為慘切著爾部

堂上官一員同順天府官員竭誠祈禱特諭

康熙十九年

四月十一日

上諭禮部農務為國家之本粒食乃兆姓所資必雨暘時若而後秋成可期自去冬以來雨雪未降今時已入夏甘霖尚稽久旱傷麥秋種未布農事深為可慮且失業之民饑饉流移尤堪憫惻或因政治未協致干

天和朕用是夙夜靡寧循省儆惕茲當虔誠齋戒躬詣天壇親行祈禱為民請命爾部即擇吉具儀奏奏特諭

五月十五日

上諭內閣九卿詹事科道朝廷政治惟在端本澄源

臣子服官首宜奉公杜弊大臣為小臣之表率

京官乃外官之觀型大則小廉源清則流潔

此從來不易之理如大臣果能精白乃心恪遵

法紀勤修職業公爾忘私小臣自有所顧畏不

敢妄行在外督撫各官自應慎守功令潔己愛

民乃大臣等每自謂清正無私粉飾空言至其

所行往往營私作弊有玷官方深負委任之意

科道係耳目之官凡有弊端自當據實參奏且

居處甚近如此情弊豈無見聞乃瞻徇情面緘

默不言即有條奏多係繁文官職掌殊為未

盡如肯從公糾舉孰敢恣行無忌朕以為目今

之弊莫大於此近因天氣亢旱朕夙夜焦思念

慮所及無不舉行感格之道猶恐未盡故特召

爾等各面陳所見因宣諭朕意令爾等知之

又

上諭大學士勒德洪明珠李蔚杜立德何以亢陽齋居虔禱雖雨澤薄降四野田疇尚未霑足今茲不雨爲時又久旱魃爲災朕甚懼焉意者政事之失宜者多歟不然天心仁愛下民何其宜雨而久不雨也日者以政理之故勤求言矣而言者文繁無益其集九卿詹事科道掌印不掌印各官問今有何事當行何事當革悉意以陳毋有所隱

康熙二十年

四月二十二日

上諭大學士明珠朕聞京城左右亢旱農事堪憂爾可傳諭禮部著行祈雨再傳諭內務府總管噶祿照前祈雨例於西山等處虔行致禱朕體甚佳皇長子亦安爾近佳否爲此特諭

康熙二十一年

十二月十四日

上諭禮部農事爲民生之本必雨雪以時庶春耕不誤秋成可期今歲入冬以來尚未降雪愆陽日久特序失宜田畝嘆乾恐妨明年東作應虔行祈禱爾部即照例作速舉行特諭

康熙二十八年

四月十三日

上諭內閣頃者時已初夏雨澤雖降而猶未霑足其命禮部照前祈禱之禮三日禁止殺牲不理刑名事務虔恭齋戒以祈甘雨特諭

二十七日

上諭大學士伊桑阿今歲早已久其傳諭九卿詹事科道朕與卿等靜處以俟之耶應行應革事有無耶抑何以禱祀而求之耶其會同詳議以聞

太歲

天神

地祇諸壇祈求未應朕衷夙夜靡寧今特遣官於

天壇

地壇

社稷虔行禱祀爾部即察例擇期來奏特諭

六月初四日

上諭禮部自春徂夏時雨愆期朕念切民生躬自刻責祇被齋居戒飭臣工共圖修省曾經遣官遍

天

地神祇微雨雖降未沛祥霖今三伏屆期農事可慮朕

心彌切焦勞不遑寧處茲仍潔誠齋戒特遣官

於

天壇虔行禱祀尚期仰格

蒼昊下拯黔黎爾部即察例擇日來奏特諭

十一月初七日

上諭今歲畿輔之地亢旱爲災田畝鮮獲小民無以資生雖已蠲免錢糧加恩賑給銀兩已購買米石仍慮艱於餬口邇者親詣

陵寢於所經過地方詢問民間疾苦目覩被災情形

非僅米粟匱乏即薪芻亦復無有以致饑寒交迫若不速行多方賑恤必且流離失所朕夙夜焦思不遑寧處遣此荒年歉歲應將內府屯莊及諸王以下大臣官員並饒裕之家莊田所積糧米酌量捐輸直屬紳衿富民有積穀者亦令其捐助以充賑濟其分賑銀兩仍行給與俾供柴薪之用以與饑民方有裨益爾部會同九卿詹事科道詳議具奏

康熙四十四年

四月初四日

上諭扈從大學士馬齊張玉書陳廷敬頃山東巡撫趙世顯奏三月初三日全省俱得雨二十州縣雨微小七十州縣俱霑足朕時時以農事爲念曾問京師來人云三月十六日二十四日兩日俱大雨想畿輔地方已皆霑足矣

康熙五十年

五月初七日

上諭大學士溫達等此間大學士等將朕口傳旨意令在京大學士齊集九卿詹事科道掌印未掌印官員通行曉諭伊等有可言之事在九卿前各親書奏聞朕自京偶爾遲和至今扶掖未能行走又兼天時亢旱日夕憂慮寢食靡寧古來君臣之義最重必明良合德方能上格

天心感召和氣不在修飾虛名也今亢陽不雨君臣宜時相儆惕以萬民生計爲憂其間念切國家不乏其人而玩泄性成者亦未必全無凡爾臣工

理宜體朕孜孜憂民之念竭誠禱祝庶可望甘霖早沛耳

初八日

上諭大學士溫達等現在此處大學士等將朕手書諭旨發往京城會集滿漢大學士九卿詹事掌印不掌印科道官詳晰傳諭伊等有應陳奏之事各自親書奏摺即當九卿前交明具奏朕自京師抱恙而出今行步未健尚需人扶掖又兼天時亢旱早夜焦勞以致不安寢食自古君臣之義甚重必上下一德相成然後能感

上天之心召致和氣不在徒飾虛文務空名以從事也今當此亢旱之際我君臣應協同心力夙夜靡寧以為萬民籌畫生計大抵諸臣內實心以國家為念者固自不少而秉性奸惡亦不可謂無人惟爾諸臣仰體朕懷日存憂惕為黎黎竭誠祈禱庶幾甘霖可冀倖早獲也特諭

旱災部總論

春秋穀梁傳

定公元年

雪月雪之正也秋大雩非正也冬大雩非正也秋大雩之為非正何也毛澤未盡人力未竭未可以雩也雩月雩之正也月之為雩之正何也其時窮人力盡然後雩雩之正也何謂其時窮人力盡是月不雨則無及矣是年不艾則無食矣是謂其時窮人力盡也雩之必待其時窮人力盡何也雩者為早求者也

求者請也古之人重請何重乎請人之所以為人者讓也請道去讓也則是舍其所以為人也是以重之焉請哉請乎應上公古之神人有應上公者通乎陰陽君親帥諸大夫道之以而請焉夫請者非可詒託而往也必親之者也是以重之

王充論衡

明雩篇

變復之家以久雨為湛久陽為旱旱應亢陽湛應沈溺或難曰夫一歲之中十日者一兩五日者一風雨頗留湛之兆也陽頗久旱之漸也湛之時人君未必沈溺也旱之時未必亢陽也人君為政前後若一然而一湛一旱時氣也范蠡計然曰太歲在子水毀金穰木饑火旱夫如是水旱饑穰有歲運也歲直其運氣當其世變復之家指而名之君用其言求過自改賜久自雨雨久自陽變復之家遂名其功人君然之遂信其術試使人君恬居安處不求已過天猶自雨雨猶自陽陽濟雨濟之時人君無事變復之家猶名其術是則陰陽之氣以人為主不說於天也夫人不能以行感天天亦不隨行而應人春秋魯大雩早求雨之祭也早久不雨禱祭求福若人之疾病祭神解禍矣此變復也詩云月離于畢俾滂沱矣書曰月之從星則以風雨然則風雨隨月所離從也房星四表三道日月之行出入三道出北則湛出南則旱或言出北則旱南則湛案月為天下占房為九州候月之南北非獨為魯也孔子出使子路齋雨具有頃天果大雨子路問其故孔子曰昨暮月離于畢後日月復離畢孔子出子路請齋雨具孔子不聽出果無雨

子路問其故孔子曰昔日月離其陰故雨昨暮月離其陽故不雨夫如是魯南自以月離豈以政哉如審以政令月離於畢為雨占天下共之魯雨天下亦宜皆雨六國之時政治不同人君所行賞罰異時必以雨為應政令月離六七星然後足也魯繆公之時歲早繆公問縣子天旱不雨寡人欲暴巫奚如縣子不聽欲徙市奚如對曰天子崩巷市七日諸侯薨巷市五日為之徙市不亦可乎案縣子之言徙市得雨也案詩書之文月離星得雨日月之行有常節度肯為徙市故離畢之陰乎夫月畢天下占徙魯之市安耐移月月之行天三十日而周一月之中一過畢星離陽則陽假令徙市之感能令月離畢陽其時徙市而得雨乎夫如縣子言未可用也董仲舒求雨申春秋之義設虛立祀父不食於枝庶天不食於下地諸侯享禮所祀未知何神如天神也唯王者天乃欲諸侯及今長吏天不享也神不敢享安耐得神如雲雨者氣也雲雨之氣何用歆享觸石而出膚寸而合不崇朝而遍雨天下泰山也泰山雨天下小山雨國邑然則大雩所祭豈祭山乎假令審然而不得也何以效之水異川而居相高分寸不決不流不鑿不合誠令人君禱祭水旁能令高分寸之水流而合乎夫見在之水相差無幾人君請之終不耐行况雨無形兆深藏高山人君雩祭安耐得之夫雨水在天地之間也猶夫涕泣在人形中也或齋酒食請於惠人之前求出其泣惠人終不為之隕涕夫泣不可請而出雨安可求而得雍門子悲哭孟嘗君為之流涕蘇秦張儀悲說坑中鬼谷先生泣下沾襟或者儻可為雍門

之聲出蘇張之說以感天乎天又耳目高遠音氣不通杞梁之妻又已悲哭天不雨而城反崩夫如是竟當何以致雨零祭之家何用感天案月出北道離畢之陰希有不雨由此言之北道畢星之所在也北道星肯爲零祭之故下其雨乎孔子出使子路齋雨具之時魯未必零祭也不祭沛然自雨不求曠然自賜夫如是天之賜雨自有時也一歲之中賜雨連屬當其雨也誰求之者當其賜也誰止之者人君聽請以安民施恩必非賢也天至賢矣時未當雨爲請求之故妄下其雨人君聽請之類也變復之家不推類驗之空張法術惑人君或未當雨而賢君求之而不得或適當自雨惡君求之遭遇其時是使賢君受空責而惡君蒙虛名也世稱聖人純而賢者駁純則行操無非無非則政治無失然而世之聖君莫有如堯湯堯遭洪水湯遭大旱如謂政治所致堯湯惡君也如非政治是運氣也運氣有時安可請求世之論者猶謂堯湯水旱水旱者時也其小旱湛皆政也假令審然何用致湛審以政致之不修所以失之而從請求安耐復之世審稱堯湯水旱天之運氣非政所致夫天之運氣時當自然雖零祭請求終無補益而世又稱湯以五過禱於桑林時立得雨夫言運氣則桑林之說細稱桑林則運氣之論消世之說稱者竟當何由救水旱之術審當何用夫災變大抵有二有政治之災有無妄之變政治之災須耐求之求之雖不耐得而惠愍惻隱之恩不得已之意也慈父之於孝子之於親知病不祀神疾病不和藥又知病之必不可治治之無益然終不肯安坐待絕猶卜筮求祟召

醫和藥者側痛慙慙冀有驗也既死氣絕不可如何升屋之危以衣招復悲恨思慕冀其悟也零祭者之用心慈父孝子之用意也無妄之災百民不知必歸於主爲政治者慰民之望故亦必尋問政治之災無妄之變何以別之曰德鄴政得災猶至者無妄也德衰政失變應來者政治也夫政治^{治字}則外零而內改以復其虧無妄則內守舊政外修零禮以慰民心故夫無妄之氣歷世時至當固自一不宜改政何以驗之周公爲成王陳立政之言曰時則物有間之自一話一言我則未維成德之彥以又我受民周公立政可謂得矣知非常之物不販不至故勅成王自一話一言政事無非毋敢變易然則非常之變無妄之氣間而至也水氣間堯旱氣間湯周宣以賢遭遇久旱建初孟季北州連旱牛死民乏放流就賤聖主寬明於上百官共職於下太平之明時也政無細非早猶有氣間之也聖主知之不改政行轉賑賑贈損豐濟耗斯見之審明所以救赴之者得宜也魯文公間歲大旱臧文仲曰修城郭貶食省用務勸勤分文仲知非政故徒修備不改政治變復之家見變輒歸於政不揆政之無非見異懼惑變易操行以不宜改而變祇取災焉何以言必當零也曰春秋大零傳家在宣公羊穀梁無譏之文當零明矣會稽對孔子言其志曰暮春者春服既成冠者五六人童子六七人浴乎沂風乎舞雩詠而歸孔子曰吾與點也魯設零祭於沂水之上暮者晚也春謂四月也春服既成謂四月之服成也冠者童子零祭樂人也浴乎沂涉沂水也象龍之從水中出也風乎舞雩風歌也詠而歸

詠歌歸祭也歌詠而祭也說論之家以爲浴者浴沂水中也風乾身也周之四月正歲二月也尚寒安得浴而風乾身由此言之涉水不浴零祭審矣春秋左氏傳曰啓蟄而零又曰龍見而零啓蟄龍見皆二月也春二月零秋八月亦零春祈穀雨秋祈穀實當今靈星秋之零也春零廢秋零在故靈星之祀歲零祭也孔子曰吾與點也善點之言欲以零祭調和陰陽故與之也使零失正點欲爲之孔子宜非不當與也樊遲從游感零而問刺魯不能崇德而徒零也夫零古而有之故禮曰零祭祭水旱也故有零禮故孔子不譏而仲舒申之夫如是零祭祀禮也零祭得禮則大水鼓用牲於社亦古禮也得禮無非當零一也禮祭也社報生萬物之功土地廣遠難得徧祭故立社爲位主心事之爲水旱者陰陽之氣也滿六合難得盡祀故修壇設位敬恭祈求效事社之義復災變之道也推生事死推人事鬼陰陽精氣倘如生人能飲食乎故共馨香奉進旨嘉區區倦倦冀見答享推祭社言之當零二也歲氣調和災害不生尚猶而零今有靈星古昔之禮也况歲氣有變水旱不時人君之懼必痛甚矣雖有靈星之祀猶復零恐前不備形釋之義也冀復災變之虧獲豐穰之報三也禮之心惻惻樂之意歡忻惻惻以玉帛效心歡忻以鐘鼓驗意零祭請祈人君精誠也精誠在內無以效外故零祀盡己惶懼關納精心於零祀之前玉帛鐘鼓之義四也臣得罪於君子獲過於父比自改更且當謝罪惶懼於旱如政治所致臣子得罪獲過之類也默改政治潛易操行不彰於外天怒不釋故必零祭惶懼之

義五也漢立博士之官師弟子相訶難欲極道之深
形是非之理也不出橫難不得從說不發苦詰不聞
甘對導才低仰欲求裨也砥石刪厲欲求銛也推春
秋之義求零祭之說實孔子之心考仲舒之意孔子
既歿仲舒已死世之論者孰當復問唯若孔子之徒
仲舒之黨爲能說之

欽定古今圖書集成曆象彙編庶徵典

第九十四卷目錄

旱災部藝文一

旱雲賦

江都王奏記

旱頌

與廣川長岑文瑜書

水早上便宜五事疏

喜雨賦

謝勅示苦旱詩啓

請雨賽蔣王文

爲政事賀雨狀

賀祈雨有應狀

賑卹諸道遭旱百姓勅

亢旱撫恤百姓德音

驕陽賦

早辭

祭城隍神祈雨文

爲舍人絳郡公鄭州禱雨文

人早解

上殿劄子

求直言詔

拳龍廟祈雨文

金明池上開啓祈雨粉壇道場齋文

金明池上開啓祈雨道場齋文

泰山祈雨文

漢賈誼

董仲舒

東方朔

魏應璩

晉傅休奕

宋傅亮

梁簡文帝

陸倕

唐蘇頌

張九齡

編制

同前

田沅

周墀

杜牧

李商隱

盛均

宋包拯

韓維

司馬光

王安石

前人

曾鞏

常山祈雨文

又

得雨祭常山文

五嶽四瀆等處祈雨祝文

又

禱雨礮溪文

鳳翔太白山祈雨文

乞修德政以弭天變狀

奏推廣御筆指揮二事狀

奏南康軍旱傷狀

乞放免租稅及撥錢米充軍糧賑濟狀

再奏南康軍旱傷狀

乞施行饒信州旱傷

禱雨說

清源洞祈雨青詞

清源洞設醮祈雨青詞

祈雨建醮青詞

南嶽青詞

天慶青詞

江東祈雨青詞

祈雨青詞

告斗祈雨表

清源洞祈雨疏

天慶觀祈雨青詞

蘇軾

前人

前人

前人

前人

前人

前人

朱熹

前人

前人

前人

前人

真德秀

前人

前人

前人

前人

前人

前人

前人

前人

前人

前人

前人

庶徵典第九十四卷

旱災部藝文一

旱雲賦

漢賈誼

惟昊天之大旱兮失精和之正理遙望白雲之蓬勃
分滄滄澹澹而安止運清濁之頑洞兮正重沓而並
起鬼隆崇以崔巍兮時髣髴而有似屈卷輪而中天
兮象虎驚與龍駭相搏據而俱興兮安麗儔而時有
遂積聚而台沓兮相紛薄而慷慨若飛翔而從橫兮
揚波怒而澎湃正雲布而雷動兮相擊衝而破碎或
寃電而四塞兮誠若雨而不墜陰陽分而不相得兮
更惟貪婪而狼戾終風解而霧散兮遂陵遲而堵潰
或深潛而閉藏兮爭離刺而並逝廓蕩蕩其若條兮
日昭昭而無穢陰盛暑而無聊兮煎砂石而爛爛陽
風吸習而煽煽羣生悶懣而愁憤壘畝枯槁而失澤
兮壤石相聚而爲害農夫垂拱而無事兮釋其耰鋤
而下涕悲羈絆之遭禍痛皇天之靡惠惜稚稼之旱
天兮離天災而不遂懷怨心而不能已兮竊託各於
在位獨不聞唐虞之積烈兮與三代之風氣時俗殊
而不還恐功久而壞敗何操行之不得兮政治失中
而違節陰氣辟而留滯兮厭暴戾而沈沒嗟乎作孽
大劇何辜於天恩澤弗宣嗇夫寡德羣生不福來何
暴也去何躁也孽孽望之其可悼也憐兮憐兮以鬱
悌兮念思白雲腸如結兮終怨不雨甚不仁兮布而
不下甚不信兮白雲何慰奈何人兮

江都王奏記

董仲舒

求雨之方損陽益陰願大王無收廣陵女子爲人祝
者一月租賜諸巫巫者諸巫母大小皆相聚於郭門爲

小壇以脯酒祭女獨擇寬大便處移市使毋內丈夫丈夫毋得相從飲食令吏妻各往視其夫皆到即起雨注而已

旱頌

東方朔

維昊天之大旱失精和之正理遙望白雲之鄴淳瀚墮瞳而亡止陽風吸習而熇熇羣生悶悶而愁憤隴畝枯槁而尤布壤石相聚而為害農夫垂拱而無為釋其耰鋤而下涕悲壇畔之遭禍痛皇天之靡濟

與廣川長岑文瑜書

魏應璩

文瑜因時旱祈雨不能得璩書戲之

璩白頃者炎旱日更增甚沙磧銷鑠草木焦卷處涼臺而有鬱蒸之煩冷寒冰而有灼爛之慘宇宙雖廣無陰以憩雲漢之詩何以過此土龍矯首於元寺泥人鶴立於闕里修之歷旬靜無徵效明勸教之術非致雨之備也知卹下民躬自暴露拜起靈壇勤亦至矣昔夏禹之解陽肝殷湯之禱桑林言未發而水旋流辭未卒而澤滂沛今者雲重積而復散雨垂落而復收得無賢聖殊品優劣異姿割髮宜及膚翦爪宜使肌平周征殷而年豐衛伐邢而致雨善否之應甚於影響未可以為不然也想雅思所未及謹書起予應璩白

水旱上便宜五事疏

晉傅休奕

臣聞聖帝明王受命天時未必無災是以堯有九年之水湯有七年之旱惟能濟之以人事耳故洪水滔天而免沉溺野無生草而不困匱伏惟陛下聖德欽明時小水旱人未大饑下祇畏之詔求極意之言同禹湯之罪已侔周文之夕惕臣伏惟喜上便宜五事

其一曰耕夫務多種而耕曠不熟徒喪功力而無收又舊兵持官牛者官得六分士得四分自持私牛者與官中分施行來久衆心安之今一朝減持官牛者官得八分士得二分持私牛及無牛者官得七分士得三分人失其所必不歡樂臣愚以為宜佃兵持官牛者與四分持私牛與官中分則天下兵作惟然悅樂愛惜成穀無有損棄之憂

其二曰以二千石雖奉務農之詔猶不動心以盡地利昔漢氏以墾田不實徵殺二千石以十數臣愚以為宜申漢氏舊典以警戒天下郡縣皆以死刑督之

其三曰以魏初未留意於水事先帝統百揆分河堤為四部并水凡五謁者以水功至大與農事並典非一人所周故也今謁者一人之力行天下諸水無時得徧伏見河堤謁者車諠不知水勢轉為他職更選知水者代之可分為五部使各精其方宜

其四曰古以百步為畝今以二百四十步為一畝所覺過倍近魏初課田不務多其頃畝但務修其功力故白田收至十餘斛水田收數十斛自頃以來日增田頃畝之課而田兵益甚功不能修理至畝數斛已還或不足以償種非與曩時異天地橫遇災害也其病正在於務多頃畝而功不修耳竊見河堤謁者石恢甚精練水事及田事知其利害乞中書召恢委曲問其得失必有所補

其五曰鄧艾苟欲取一時之利不慮後患使鮮卑數萬散居人間此必為害之勢也秦州刺史胡烈

素有恩信於西方今宜更置一郡於高平川因安定西州都尉募樂徒民重其復除以充之以通北道漸以實邊詳議此二郡及新置郡皆使并屬秦州令烈得專御邊之宜

喜雨賦

宋傅亮

唯二儀之順動數有積而時偏墊襄陵於唐籍感雲漢於周篇匪叔葉之或選在盛王其固然伊元嘉之初載肇休明於此季懿玉燭之方熙愷藉陽之獨恣涸源泉於井谷委嘉類於中田嗟我皇之翼翼懷臨朝而輟娛踵沖謙於禹湯協至誠於在余且東作之未宴庶雨露之風濡邇懸子之從塵尤魯侯之焚巫祇桑林之六禱修季宰之再雪誠在幽其必貴感何遠而不孚聆晨鶴於高垤候宵卑於天隅發會雲於觸石晦重陽於八區春霆殷以遠響與雲霈而載塗灑豐浸於中疇覃餘潤於嘉蔬殷膏人於苗畝行將繁於中衢嗣良願於多稔兆嘉夢於樵漁矧其臣之逢運又均休而等虞陶曲成於暮稔念歸駕於董疎

謝勅示苦旱詩啓

梁簡文帝

伏以九年之水不傷堯政七載之旱無累湯朝咸弘則公田已修農勤則我庾惟億今者亢陽以來為日未久將恐督郵不黜失在汝南之守曝背未收無傷河南之尹而載勞典居仰發歌詠無愛珪璧有事山川非飲食矣加之撤膳焉中夜不寢加之以申旦焉此唐虞之所闕如軒頊之所不逮

請雨寶蔣王文

陸倕

陸周祚裔鍾嶽降精明正直得一居貞無方無體不疾不行化馳九縣位冠百靈東喻屢憇西郊已載

偶龍矯首泥人鶴立神聽孔殷靈應揮霍儼觀翻伊俄聞倒洛樂周祈畢恩洽酒蘭靈談抗神鬼笑投梓推茲目引於萬斯歡

爲政事賀雨狀

唐蘇頌

頃者西郊不雨南陸愆陽上動聖情下憂農事一人以禹湯罪己百姓以堯舜爲心知天人之合符非主龍之可致德音朝降纔出於巖廊膏澤晚飛已周於城闕麥宜早秀日助晴光禾欲潤成歲知秋穫惟皇建極天且弗違用爾作霖臣復何補既叶夢魚之吉預占鳴鶴之祥扑躍之誠萬萬恆品

賀祈雨有應狀

張九齡

右臣等昨面奉恩旨緣秋稼有望時雨愆愆念及黎元見於顏色方躬自祈請誠勤夙夜上靈昭鑒嘉瑞必臻昨日申酉之間雲物果應初含五色正覆於壇場未及終宵更洒於城闕遂使炎埃宿潤虐暑暫清實冀膏寸之資必致普天之澤臣等多味徒仰於成造蒼生何幸每及於聖私無任欣慶扑躍之至謹奉狀陳賀以聞既有殊應仍望宣示史館

賑恤諸道遭旱百姓勅

編制

勅朕承上天之眷佑荷累聖之丕圖宵旰兢勞不敢暇逸思致康乂八年于今而水旱流行疾疫屢作兆庶艱食札瘥相仍蓋德未動天誠非感物一類失所有過在予載懷罪己之心深軫納蝗之歎宜敷惠澤式表憂勤如聞自去年以來河東關輔亢旱爲患秋稼不收百姓之中頗甚困窮今方春之時須務農事若無賑救恐至流亡其京兆河南河東河中等九州府宜賜粟五十六萬石京兆府賜粟十萬石河南府

河中府絳州各賜粟七萬石同華陝虢晉等州各賜粟五萬石並以常平義倉及折糶斛斗充如無本色即與運米折給仍委本州府官長明作等第差清強官吏對面宣賜先從貧下戶起給其京兆府太和六年青苗權酒錢在百姓腹內者並宜放免京兆河中河南同華陝虢晉絳等九州府自太和六年秋稅以前諸色通照除所由車戶已徵得外在百姓腹內者一切放免獄恤恤刑前王攸重苟有冤滯即傷陽和應在城諸司諸軍諸使應有囚徒速宜疎理限七日處分訖奏聞河南府等八州府到後亦宜准此處分諸色工役非灼然交切者並勒停省應久旱處管內名山大川能致風雨者亦委長吏精誠禱請水旱之數雖云常理導化失節亦致咎災顧惟寡昧敢忘克責常參官及外府州長吏如有規諫者各上封事極言得失俟有主正期於早安咸啓乃誠用致於理無或有隱以奉在公內外官有貪暴殘虐害政害人者憲司宜糾察聞奏朕爲人父母度奉丕業夕惕若厲夙夜匪寧減膳撤席庶答天誠若爾長吏實分予憂勉加撫綏用副憫隱庶切救災之義爰申爲上之懷中外臣寮宜體朕意

亢旱撫恤百姓德音

編制

勅承天理物莫尚於愛人謝禮彌災必先於咎己朕臨御萬國逮今五年亦嘗勵精罔敢暇逸誠雖勤而未安於事澤雖布而未浹於人吳蜀建功關輔屢稔羣生咸若荒服會同將何以答昊穹之顧懷承宗社之眷佑固宜示以災告警予增修自去冬以來時雪微降及此春暮積爲愆陽宿麥不滋首種未入東作慮違於農候西成何望於歲儲爲人父母甚可憂憫况江淮之間歉饑相屬物力疲耗人心無聊雖存救之術已行而凋傷之弊猶切是用輟食而歎中夜以興得非刑獄之冤滯未申貨財之聚斂未息忠鯁之言未盡達不急之務未盡除有一于茲即傷和氣居高莫喻愧悼是懷爰命禱祠登答神祇之望空勤惕厲豈爲恤隱之方莫若側身推誠循政務實法乾坤簡易之理贊天地發育之仁將以塞違庶孚于道屬陽和之序品彙敷榮俯念繫綬俾從寬減其京城內見禁囚徒犯死罪非殺人降從流以下罪遞降一等鹽鐵使下諸鹽院舊招商所由欠貞元二年四月已前鹽稅錢及未貞元年變法後新鹽利經貨折估錢共二十八萬七千七百五十六貫文並宜放免除此錢外諸色所由人戶及保人有積欠錢物或資產蕩盡未免禁身或身已死亡繫其妻孥雖始於冒沒而終可哀矜宜委鹽鐵轉運使即據狀事疎理具可徵可放免數聞奏度支京西京北諸院權鹽使并畿內在城諸色所由人戶欠負從貞元十一年以後至貞元十五年終主保逃亡攤徵保人并保人又逃亡及身在貧窮非家業見存姦猾延引者所欠錢物斛斗柴草等項亦宜放免亦委度支續具合放數聞奏諸道兩稅外據權率比來創制勅處分非不丁寧如聞或未遵行尚有此弊未言奉法事豈當然申飭長吏明加禁斷如刺史承使牒擅於界內權率者先加懲責仍委御史臺及出使郎官御史察訪聞奏夫制事立程必根源本未有上敦節儉而下有田窮上好豐盈而下獲安輯顧財用之所出念耕織之爲勞自